

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის ვია ბერაიას შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	20
სამართლებრივი დასაბუთების უნარი და კომპეტენცია	20	20
წერის უნარი	20	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	4	5
პროფესიული აქტივობები	4	5
<b>ქულათა ჯამი</b>	<b>94</b>	<b>100</b>

სახელი, გვარი : ნიკოლოზ მარსაგიშვილი

თარიღი: 28/05-2021





საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

გია ბერაიას შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის გია ბერაიას შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	კანდიდატი გია ბერაია არის კორექტული, თავშეკავებული და აქვს საკუთარი ემოციების მართვის უნარი. აგრეთვე, მას გააჩნია მოვალეობებისა და პასუხისმგებლობის შესაბამისი შეგნება და სამსახურებრივ მოვალეობებსა და ფინანსურ თუ სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა, საგზაო მოძრაობის წესების დარღვევისათვის ჯარიმის გადახდა და სხვ.) ასრულებს ჯეროვნად. აღსანიშნავია, რომ გია ბერაიას პირად თვისებებსა და პროფესიულ საქმიანობას გამოკითხული რეკომენდატორები და მასთან სამსახურებრივ თუ პირად ურთიერთობაში მყოფი პირები აფასებენ დადებითად.
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის მიხედვით		

კრიტერიუმის მიხედვით			კომენტარი
კრიტერიუმი	მიღებული ქულა	მაქსიმალური ქულა	
სამართლის ნორმების ცოდნა	18	20	გია ბერაია ადმინისტრაციული სამართლის მიმართულებით სიღრმისეულად ფლობს მატერიალურ და საპროცესო კანონმდებლობას. აგრეთვე, საჯარო მოსმენის საფუძველზე გამოვლინდა, რომ იგი იცნობს საქართველოს კონსტიტუციის ნორმებს და საკანონმდებლო სიახლეებს. ასევე, კანდიდატი მეტნაკლებად ეცნობა საქართველოს საკონსტიტუციო სასამართლოს, საქართველოს უზენაესი სასამართლოსა და ადამიანის უფლებათა ევროპული სასამართლოს გადაწყვეტილებებს. კანდიდატს ჩაბარებული აქვს მოსამართლეობის საკვალიფიკაციო გამოცდა (სისხლის სამართლის სპეციალიზაცია).
სამართლებრივი დასაბუთების უნარი და კომპეტენცია	20	20	კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 14-წლიანი გამოცდილება. აგრეთვე, იგი გამოიჩინა ანალიტიკური აზროვნებითა და საკუთარი პოზიციის დასაბუთების უნარით.
წერის უნარი	20	20	გია ბერაიას მიერ წარმოდგენილი სამართლებრივი დოკუმენტის <sup>1</sup> შესწავლის საფუძველზე შესაძლებელია ითქვას, რომ მას აქვს სათანადო წერის უნარი. კერძოდ, კანდიდატი მის მიერ მიღებულ გადაწყვეტილებაში კარგად განმარტავს და აანალიზებს სამართლებრივ ნორმებს. ასევე, მასში თანმიმდევრულად არის განხილული როგორც ფაქტობრივი, ისე სამართლებრივი საკითხები. აღსანიშნავია, რომ ტექსტი აგებულია გამართულად და იგი მკითხველისთვის არის ადვილად აღსაქმელი.
ზეპირი კომუნიკაციის უნარი	14	15	კანდიდატს აქვს ნორმალური მეტყველების უნარი და იგი გამოიჩინა სხვისი აზრის მოთმინებით მოსმენის

<sup>1</sup> თბილისის სააპელაციო სასამართლოს ადმინისტრაციულ საქმეთა პალატის 2020 წლის 21 ივლისის გადაწყვეტილება, საქმე N38/771-20.

			შესაძლებლობით. ამასთან, საჯარო მოსმენაზე გია ბერაია უმეტესად ახერხებდა საკუთარი შეხედულებების ღიად, ნათლად და გასაგები ენით გადმოცემას.
პროფესიული თვისებები, მათ შორის, ქცევა სასამართლო დარბაზში	14	15	გია ბერაია გამოირჩევა შრომისმოყვარეობით და მიზანდასახულობით და გააჩნია საქმის სათანადოდ მომზადების, გადაწყვეტილების დაუხმარებლად მიღებისა და დამოუკიდებელი აზროვნების უნარი. ამასთან, მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 99,8%, ხოლო უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი შეადგენს 74,4 %-ს.
აკადემიური მიღწევები და პროფესიული წვრთნა	4	5	კანდიდატს ახალი ცოდნისა და უნარების შეძენის მიზნით, მონაწილეობა აქვს მიღებული მხოლოდ რამდენიმე ტრენინგში.
პროფესიული აქტივობა	4	5	გია ბერაიას პროფესიულ აქტივობასთან დაკავშირებით შესაძლებელია ითქვას, რომ მას მონაწილეობა აქვს მიღებული მართლმსაჯულების საკითხებზე გამართულ ღონისძიებებში. თუმცა, იგი ამჟამად არ არის დაკავებული სამეცნიერო და პედაგოგიური საქმიანობით (2010-2011 წლებში კითხულობდა ლექციას ახალციხის სახელმწიფო სასწავლო უნივერსიტეტში).
ქულათა ჯამი	94	100	
დასაბუთება	<p><b>უზენაესი სასამართლოს მოსამართლეობის კანდიდატის შეფასება კეთილსინდისიერების კრიტერიუმის მახასიათებლების მიხედვით</b></p> <p>„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს კანდიდატი გია ბერაია კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.</p>		



აღსანიშნავია, რომ კეთილსინდისიერების კრიტერიუმით გია ბერაიას შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, გია ბერაიას დახასიათების მიზნით მასთან სამსახურებრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ გია ბერაიას შეფასებისას გათვალისწინებულ იქნა მის მიერ საჯარო მოსმენისას გამოვლენილი სხვადასხვა თვისებები, მახასიათებლები და სხვ.

ზემოაღნიშნულ ინფორმაციაზე დაყრდნობით, კანდიდატთან დაკავშირებით მისი პიროვნული კეთილსინდისიერებისა და პროფესიული სინდისის მახასიათებლის თაობაზე შესაძლებელია ითქვას, რომ გია ბერაიას პირად თვისებებს რეკომენდატორები და გამოკითხული პირები, რომლებიც კარგად იცნობენ კანდიდატს და მასთან აქვთ უშუალო სამსახურებრივი თუ პირადი ხასიათის ურთიერთობა, აფასებენ დადებითად. ამასთან, რეკომენდატორები აღნიშნავენ, რომ იგი არის კეთილსინდისიერი და გამოირჩევა საქმისადმი ერთგულებით. აღსანიშნავია, რომ საჯარო მოსმენაზე გია ბერაიამ დატოვა თავაზიანი და კორექტული პიროვნების შთაბეჭდილება. უნდა ითქვას ისიც, რომ კანდიდატი გამოირჩევა პასუხისმგებლობის შესაბამისი შეგნებით და სამსახურებრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა, საგზაო მოძრაობის წესების დარღვევისათვის ჯარიმის გადახდა და სხვ.) ასრულებს ჯეროვნად. ეს ყველაფერი კი ცხადყოფს, რომ მას სწორად აქვს შეგნებული და გაანალიზებული როგორც პირადი, ისე პროფესიული მოვალეობები.

დამოუკიდებლობის, მიუკერძოებლობისა და სამართლიანობის მახასიათებლის თაობაზე უნდა აღინიშნოს, რომ კანდიდატის დახასიათებისას რეკომენდატორები აღნიშნავენ, რომ მის დადებით თვისებებს წარმოადგენს პრინციპულობა, სამართლიანობა და დამოუკიდებლობა. ამასთან, გია ბერაიას ახასიათებს პიროვნული სიმყარე, შეუვალობა, ზეგავლენის მიმართ მედეგობა და გააჩნია გადაწყვეტილების დამოუკიდებლად მიღების უნარი. რაც შეეხება, გია ბერაიას პოლიტიკურ ან სხვა ნიშნით მიუკერძოებლობის საკითხს, ამასთან დაკავშირებით უნდა ითქვას, რომ კანდიდატი არ ყოფილა არცერთი პოლიტიკური პარტიის წევრი/მხარდამჭერი, შემომწირველი და საჯარო მოსმენაზეც მისი მხრიდან არ გამოვლენილა პოლიტიკური ან სხვაგვარი მიუკერძოებლობის ნიშნები.

პიროვნული და პროფესიული ქცევის მახასიათებელთან დაკავშირებით კანდიდატის შესახებ მოძიებული ინფორმაციის საფუძველზე უნდა ითქვას, რომ იგი იცავს ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. ასევე, გაიზიარა ბერაიასთან გამართული საჯარო მოსმენის შედეგად ნათელი გახდა, რომ იგი არის ზრდილობიანი და თავდაჭერილი, თუმცა, მას ეტყობოდა მცირედი მღელვარება და გარკვეულწილად უჭირდა საკუთარი ემოციების მართვა. უნდა აღინიშნოს ისიც, რომ კანდიდატის წინააღმდეგ დისციპლინური დევნა, სისხლისამართლებრივი წარმოება არ დაწყებულა და იგი სასამართლოში წარმართულ დავებში მხარედ/დაზარალებულად წარმოდგენილი არ ყოფილა.

რაც შეეხება პიროვნულ და პროფესიულ რეპუტაციის მახასიათებელს, კანდიდატის პიროვნულ თვისებებს და მის პროფესიულ მიღწევებს რეკომენდატორები და გამოკითხული პირები აფასებენ დადებითად. ამასთან, იუსტიციის უმაღლესი საბჭოს საზოგადოებასთან და მედიასთან ურთიერთობის მენეჯერის ინფორმაციის თანახმად, გაიზიარა ბერაიას შესახებ ინტერნეტ სივრცეში იმეზნება მის მიერ განხილულ საქმეებთან დაკავშირებით გავრცელებული სხვადასხვა სახის ინფორმაცია. იურიდიულ წრეებთან ურთიერთობის ხასიათთან და ხარისხთან დაკავშირებით კი მოძიებული ინფორმაციის საფუძველზე მხოლოდ ის შეიძლება ითქვას, რომ გაიზიარა ბერაიამ მონაწილეობა მიიღო მართლმსაჯულების საკითხებზე გამართულ რამდენიმე ღონისძიებაში.

ფინანსური ვალდებულებების მახასიათებლის თაობაზე, შესაძლებელია ითქვას, რომ გაიზიარა ბერაიას აქვს დადებითი საკრედიტო ისტორია, მას სახელმწიფო ბიუჯეტის მიმართ დავალიანება არ ერიცხება და იგი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად, გამოიკვეთა, რომ არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ზემოაღნიშნულის გათვალისწინებით, დასკვნის სახით, შესაძლებელია ითქვას, რომ ვინაიდან არ გამოკვეთილა ისეთი გარემოება, რომელიც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.

**უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით**

„საერთო სასამართლოების შესახებ“ საქართველოს ორგანული კანონის თანახმად,

კომპეტენტურობის კრიტერიუმის საფუძველზე კანდიდატ გია ბერაიას შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტებს და საჯარო მოსმენის შედეგად შექმნილ შთაბეჭდილებას.

კანდიდატის მიერ სამართლებრივი ნორმების ცოდნის კუთხით უნდა აღინიშნოს, რომ გია ბერაია ადმინისტრაციული სამართლის მიმართულებით სიღრმისეულად ფლობს მატერიალურ და საპროცესო კანონმდებლობას. აგრეთვე, საჯარო მოსმენის შედეგად ნათელი გახდა, რომ იგი იცნობს საქართველოს კონსტიტუციის ნორმებს და საკანონმდებლო სიახლეებს. ასევე, კანდიდატი მეტნაკლებად ეცნობა საქართველოს საკონსტიტუციო სასამართლოს, საქართველოს უზენაესი სასამართლოსა და ადამიანის უფლებათა ევროპული სასამართლოს გადაწყვეტილებებს. აღსანიშნავია, რომ მას ჩაბარებული აქვს მოსამართლეობის საკვალიფიკაციო გამოცდა (სისხლის სამართლის სპეციალიზაცია).

იუსტიციის უმაღლესი საბჭოს თითოეული წევრის მიერ კანდიდატების შესახებ მოძიებული ინფორმაციის შესწავლის შემდეგ, 2020 წლის 11 დეკემბერს გია ბერაიასთან გაიმართა საჯარო მოსმენა.<sup>2</sup> საჯარო მოსმენისას კანდიდატს იუსტიციის უმაღლესი საბჭოს წევრებმა დაუსვეს არაერთი სამართლებრივი და ზოგადი ხასიათის შეკითხვა. უნდა აღინიშნოს, რომ იგი იყო კორექტული და თავშეკავებული. გია ბერაია სამართლებრივ საკითხებზე მსჯელობისას გამოირჩეოდა ლოგიკური მსჯელობისა და ანალიზის უნარით. ამასთან, იგი ღიად გამოხატავდა საკუთარ შეხედულებებს და ანვითარებდა არგუმენტირებულ და დასაბუთებულ სამართლებრივ მსჯელობას. თუმცა, კანდიდატს ეტყობოდა მცირედი მღელვარება, რაც მას ზოგჯერ ხელს უშლიდა საკუთარი პოზიციის ნათლად გადმოცემაში.

კანდიდატის სამართლებრივი დასაბუთების, კომპეტენციისა და წერის უნართან დაკავშირებით შესაძლებელია ითქვას, რომ მას აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 14-წლიანი გამოცდილება. აღსანიშნავია, რომ კანდიდატი ამჟამად არის თბილისის სააპელაციო სასამართლოს ადმინისტრაციულ საქმეთა პალატის მოსამართლე. გია ბერაიას მიერ წარმოდგენილი სამართლებრივი დოკუმენტის<sup>3</sup> შესწავლის საფუძველზე კი შესაძლებელია ითქვას, რომ იგი გამოირჩევა

<sup>2</sup> იხ. გია ბერაიასთან გამართული საჯარო მოსმენის ვიდეოჩანაწერი: <https://www.youtube.com/watch?v=hLW1u27JUVw>

<sup>3</sup> თბილისის სააპელაციო სასამართლოს ადმინისტრაციულ საქმეთა პალატის 2020 წლის 21 ივლისის გადაწყვეტილება, საქმე N38/771-20.

სათანადო წერის უნარით. კერძოდ, კანდიდატი მის მიერ მიღებულ გადაწყვეტილებაში კარგად განმარტავს და აანალიზებს სამართლებრივ ნორმებს. ასევე, მასში თანმიმდევრულად არის განხილული როგორც ფაქტობრივი, ისე სამართლებრივი საკითხები. აღსანიშნავია, რომ ტექსტი აგებულია გამართულად და იგი მკითხველისთვის არის ადვილად აღსაქმელი. მნიშვნელოვანია, რომ შესწავლილ დოკუმენტში თვალსაჩინო გრამატიკული ხასიათის შეცდომები არ გამოვლენილა.

გია ბერაიას ზეპირი კომუნიკაციის უნართან დაკავშირებით უნდა აღინიშნოს, რომ მას აქვს ვერბალური კომუნიკაციის დამაკმაყოფილებელი უნარი და გამოირჩევა სხვისი აზრის მოთმინებით მოსმენის უნარი. ამასთან, საჯარო მოსმენაზე გია ბერაია უმეტესად ახერხებდა საკუთარი შეხედულებების დიად, ნათლად და გასაგები ენით გადმოცემას.

გია ბერაიას პროფესიული თვისებების, მათ შორის, სასამართლო დარბაზში ქცევასთან დაკავშირებით კანდიდატის შესახებ მოძიებული ინფორმაციითა და მის წარმოებაში არსებულ საქმეთა განხილვის სტატისტიკური ინფორმაციის თანახმად, შესაძლებელია ითქვას, რომ იგი გამოირჩევა შრომისმოყვარეობით, მიზანდასახულობით, გულმოდგინებით, პროდუქტიულობით და გააჩნია საქმის ჯეროვნად, პასუხისმგებლობით მომზადების, მხარეებთან სათანადოდ მოქცევისა და სასამართლო სხდომის კარგად წარმართვის უნარი. ასევე, შემექმნა შთაბეჭდილება, რომ კანდიდატს აქვს სტრესულ სიტუაციაში მუშაობის, გადაწყვეტილების დაუხმარებლად მიღებისა და დამოუკიდებელი აზროვნების შესაძლებლობა. უშუალოდ კანდიდატის წარმოებაში არსებულ საქმეთა განხილვის სტატისტიკური ინფორმაციის თაობაზე კი უნდა აღინიშნოს, რომ 2017 წლის 1 ნოემბრიდან - 2020 წლის 1 ნოემბრამდე პერიოდში საკმაოდ მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 99,8%, ხოლო უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი შეადგენს 74,4 %-ს.

კანდიდატის კადემიური მიღწევების, პროფესიული წვრთნისა და პროფესიული აქტივობის შესახებ შეიძლება ითქვას, რომ იგი ამ კუთხით არ არის აქტიური და მხოლოდ იმის აღნიშვნა არის შესაძლებელი, რომ ცოდნის გაღრმავების მიზნით მას მონაწილეობა აქვს მიღებული მართლმსაჯულების საკითხებზე გამართულ რამდენიმე სემინარში. მართალია, გია ბერაია ამჟამად არ არის დაკავებული სამეცნიერო ან პედაგოგიური საქმიანობით, მაგრამ 2010-2011 წლებში კითხულობდა ლექციებს ახალციხის სახელმწიფო სასწავლო უნივერსიტეტში. თუმცა, მას მომზადებული არ აქვს სამართლებრივი პუბლიკაციები.



**შეჯამება**

ყოველივე ზემოაღნიშნულის გათვალისწინებით, კანდიდატ გია ბერაიასთან დაკავშირებით შესამღებელია, ითქვას რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ მის მიერ დაგროვილ ქულათა ჯამი მაქსიმალური 100 ქულიდან შეადგენს 94 ქულას. შესაბამისად, კანდიდატის ცოდნის, პროფესიული გამოცდილებისა და მის მიერ გამოვლენილი უნარ-ჩვევების გათვალისწინებით, მიმაჩნია, რომ მას შესწევს უნარი ღირსეულად შეასრულოს უზენაესი სასამართლოს, მართლმსაჯულების განხორციელების უმაღლესი და საბოლოო ინსტანციის საკასაციო სასამართლოს, მოსამართლისთვის დაკისრებული რთული და საპასუხისმგებლო საქმიანობა.

სახელი, გვარი: ნიკოლოზ მარსაგიშვილი

ხელმოწერა:

თარიღი:

28/05-2021

